

PANANGIRUAR ITI MEDIA

PARA ITI DAGUS A PANANGIRUAR

Selula ti PA: (808) 554-4813

Selula ti Pagrebbengan: (808) 371-5189

Hunio 30, 2023

Panangiruar # 23-15

Imbitasion iti Red Hill Bulk Fuel Storage Facility nga Inisiatibo ti Pannakabagi ti Komunidad

JOINT BASE PEARL HARBOR-HICKAM, Hawaii – Ti Department of the Navy (DON) ken Defence Logistics Agency (DLA), iti pannakitinnulong ti Environmental Protection Agency (EPA), ket mangaw-awis kadagiti kameng ti publiko a tumabuno iti miting ti panagplano para iti pannakabukel ti Red Hill Bulk Fuel Storage Facility (RHBFSF) Inisiatibo ti Pannakabagi ti Komunidad Hulio 27, 2023.

Maipasdek ti Inisiatibo ti Pannakabagi ti Komunidad kas direkta a sungbat iti kapanunotan a naawat manipud iti komunidad babaen iti 2023 nga Bilin ti Pammalubos. Ti naiyebkas a tarigagay para iti adu a pannakiraman kadagiti aktibidad a mainaig iti pannakaserra ti tangke ti RHBFSF, kasta met iti natalged a danum nga inumen iti sistema ti danum ti Navy ti nangiturong iti pannakapataud daytoy napateg nga aramid. Ti kangrunaan a panggepna ket tapno ti maysa a bukod a napili a grupo dagiti indibidual ket mangibagi kadagiti interes ti komunidad iti DON, DLA, EPA, ken dadduma pay a makipasaset a pederal, estado, ken lokal nga ahensia.

Aw-awisen ti DON dagiti amin nga interesado nga indibidual a makipasaset iti daytoy a miting ti panagplano, a mangipamaysa iti panagkiddaw kadagiti input ti komunidad maipapan iti disenio ken roadmap para iti pannakaipatungpal ti Inisiatibo ti Pannakabagi ti Komunidad.

Dagiti kangrunaan a paset ti pagsasaritaan ket mairaman ti:

- Panangdepinar ken panangisayangkat iti proseso para iti nominasion ken panangpili kadagiti miembro
- Panangikeddeng ti pakabuklan ti kinamiembro
- Panangtaming kadagiti pagrebbengan dagiti miembro

Panggep ti Inisiatibo ti Pannakabagi ti Komunidad a patanoren ti interaktibo a relasion iti nagbaetan ti DON, DLA, EPA, ken dagiti maseknan iti komunidad. Daytoy ti mangpasayaat iti nasapa a panagdiskusyon ken mangipasigurado iti agtultuloy nga panagayus ti impormasion iti nagbaetan ti amin a partido a nairaman.

Naikeddeng ti miting ti panagplano kas iti

sumaganad: Petsa: Hulio 27, 2023

Oras: 5 – 7 p.m.

Lokasyon: Aliamanu Middle School

3271 Salt Lake Blvd
Honolulu, HI 96818

Paregtaen ti DON dagiti kameng ti komunidad a tumabuno iti daytoy a miting ken aktibo a makitinnulong iti pannakabukel ti Inisiatibo ti Pannakabagi ti Komunidad tapno makatulong a mangaramid kadagiti masanguanan a proseso ti panagdesision maipapan iti RHBFSF.

Para iti ad-adu pay nga impormasion maipapan iti daytoy a miting ti panagplano wenno ti Inisiatibo ti Pannakabagi ti Komunidad pangngaasiyo ta kontakten ni:

Mr. Stephen Hurff, United States Navy
cnrh.pao@us.navy.mil

wenno:

Dominique Smith, USEPA R9
Red Hill EJ Community Engagement Coordinator
smith.dominique@epa.gov
808-541-2724

Para iti ad-adu pay nga impormasion maipapan iti Red Hill ken ti 2023 nga Bilin ti Pammalubos, pangngaasiyo ta bisitaenyo ti website ti Navy Region Hawaii <https://cnrh.cnrc.navy.mil/Operations-and-Management/Red-Hill/>.

Dagiti detalye para iti miting ti panagplano ket magun-odan pay iti Kalendario ti Publiko a Pasamak ti Red Hill ti EPA iti: <https://www.epa.gov/red-hill/red-hill-public-events-calendar>.

Babaen ti CRI, ti DON, agraman ti DLA ken EPA, ket maibangon iti napigpigs a panagtinnulong iti komunidad a mangsigurado nga epektibo a mairepresentar ken mataming dagiti interes ti komunidad.